

皇明經世文編

皇明經世文編卷之四百十四

華亭

陳子龍臥子 徐孚遠闇公

選輯

宋徵璧尚水 夏允彝葵仲

張 官處中叅閱

王太僕集

論

邊務要略

王任重

一土兵

秦中八郡惟西鳳漢平稍近腹裏而臨鞏延慶俱隣

邊塞雖四鎮設兵防禦但邊長軍寡虜賊出沒疾若

風電官軍堵截勢難卒合往往一人百姓被其蹂躪

生畜被其搶掠甚至大堡鄉庄住居千百家者亦任

其虐害而莫敢誰何豈營兵皆人而居民非人乎操

每奏用土兵立陞賞之例以故習之

軍可戰而居民不可戰乎不然也蓋操軍日每訓練

身經戰陣且武藝熟閑器械便易更有軍法以驅之

是以敢與之鬪也至若居民心非不欲滅虜以保身

家但目不見旌旗手不習兵器一聞警報則舉家逃

竄男婦悲號此其故蓋繇教練不習于平時致奔潰

倉皇于一旦。無怪乎其然也。且邊地寥闊。道路崎嶇。官軍安能卒至而爲救援乎。合無令沿邊州縣。于每年秋收之後。自十月初一日爲始。隣近州縣者。總合一處。寫遠者。或十數鄉邨。合爲一處。大約聽居民之便。立團練之法。除近城者。掌印官親自半月一操。其鄉邨等處。或佐貳代操。各照軍營事例。設立隊長頭目。時常演習。有勇力者。或自備弓矢。或自備戈矛。有身家者。仍自備衣甲。或多備火器。如力不能備器械者。各執竹鎗榆棍。隨宜聽操。且不時家諭戶曉。俾知

操練卽以保障爲民而匪爲官。彼必樂從。各自相訓
練。相鼓舞之不暇矣。始焉勞而不怨。旣焉勇且知方。
一遇醜虜內犯。將家自爲督。人各爲兵。居民捐生以
固守。虜必畏死而緩攻。如此則不惟地方可保無事。
應援官軍亦可相持爲犄角之勢矣。各州縣正官。果
運籌有方。訓練有術。遇虜深入。能保居民無害。地方
無虞者。是以文官而兼將畧。卽擢司道等官。庶在上
者懸破格之典。在下者必有脫穎之才出矣。
前件照得此卽寓兵遺意法最善也。然常操必官募

教師倣報必官給火藥猶未也又必申明約令果
能擒獲賊級者照例議賞庶以鼓其敵愾之雄心
雖有精絕技藝者永不召遣庶以免其征調之後
虞如此庶民樂從而法可久要在賢有司加意耳
一 番兵

番夷納馬供邊資吾戰具隱然中國藩籬而斷匈奴
右臂也近自款貢以來被虜蠶食力不能支而又見
高而番族洩其怙恃矣吾之不爲庇也於是漸相結納以圖自完卽熟番亦
與中國心離矣然番豈甘心爲虜害哉要在吾鼓舞

之何如耳。行令將領等官懸示賞格。遍諭番族原有
城堡者。卽加修葺。未有者。乘時築建。有倡衆應召之
番。量給冠帶賞賚。就令統率各兵分遣操練。悉聽該
管將領調度。有事互相應援。併力堵截。官兵亦相率
策應。番能就陣擒斬逆虜者。照近議一體優賞。如虜
賊搶掠彼地。隣近將領亦比照中國救援。或搗巢或
襲營。使不得逞。倘番族大被殘害。亦照地方失事一
例。叅處。則諸番恩倚。天朝將仇視逆虜。虜雖驕悍
內恐漢兵之當其前。外恐各番之尾其後。必左右顧

忌而不敢犯。此不勞中國之甲兵。不煩中國之糧餉。自足以爲安邊拒虜之石畫也。若不求聯結番族而徒言戰守。吾恐番族一叛。則虜固虜也。番又一虜也。雖有孫吳。莫能制矣。

前件照得 國家以番禦虜。誠守在四夷也。豈知款貢貽禍。至以番居爲虜巢乎。失今不撫。是驅之矣。且昔爲捍蔽而已。今勅敵在內。災近剝膚。無事則哨探者番。間諜者番。有事則嚮導者番。夾擊者番。用其力者。旣倍于昔。結其心者。不宜有加于昔耶。

雖然。番僧會長果勦虜立奇功者。賞之可也。官之可也。但須衆建其頭目。潛分其黨。與切無居之以內地。籠之以兵權。易曰。頽豕之牙。童牛之牯。殷鑒不遠。慎夫。

一車營 車營

虜騎驍捷。其來也。勢如風颭。衝鋒陷陣。冥不畏死。我中國之所恃以抗其鋒。惟營壁不亂。斯可耳。若欲堅固營壁。莫若多備火車。駕以力馬。御以武士。無事則時常訓練。列營則匝以周圍。車屏于外。勢若連城。軍

伏於內各持火砲縱虜騎輕突必不能踰車而逞也。士卒可恃以無恐部伍可期乎不亂。若遇行師其器械盛甲俱裝運於上又可省軍士負載之勞。萬一路徑逼狹去處偶爾遇敵就將火車柵列欄堵是一倉卒禦虜之長城也。神機庫見有車式請發各邊造備。尋訪先年善用火車之人日每訓練未必不爲緩急之一助也。且近有獨輪小車○戰車宜用人挽者○機之以人其制甚便無險不越其利甚遠。法具載四鎮總圖說中。盍亟取而制用之乎。又馬文昇所云拒馬鹿角橫竹長牒馬上

可帶隨軍而行。一可拒賊馬之衝突。一可遮胡矢之亂發。似亦當造而習試之乎。

前件車者古戰之良法。兵家之上乘也。三代而下。鮮用之。亦鮮知之。然漢衛青以武剛車擊單于。若晉馬隆以偏箱車平羌虜。嘉靖中。邊將曾用之。取勝曷嘗盡湮滅哉。制誠可用。但匪可以輕用耳。夫車貴高而賤下。利躁平而惡濕。陷易戰有方。險戰有法。死地有避。勝勢有趨。講求之素。演習之精。得其法。得其人。得其地。而後用之。又翼之以騎兵。輔之以

步卒則長技勝算皆在我矣其萬全之道盛王之兵乎

一火器

虜賊驚悍敢鬪輕生每遇臨陣彼又驅中國之亡命者在前列以死衝突况軍士之弓矢有限而彼之衝突不已至我矢盡力疲之際隨爲彼所蹂而不能支矣。虜兇猾一至於此吁可畏矣哉。若欲制彼而不爲彼所制。惟多備火器火藥取之不窮用之不竭。如某式砲一眼用藥若干餘砲皆然預先稱量足數謹密

包封如法收貯。不致風雨損濕。一遇行師。砲手預期
關領。對壘之時。將三眼銃。佛郎機。一切小砲。沿陣圍
列。隨衝隨放。旋放旋裝。必使虜不能犯。仍將大式火
器。先藏管壁之中。虜若勢衆壅至。卽將大砲一時齊
舉。庶彼勢弗克敵。而我軍可以收捷效矣。

前件照得虜賊之所畏者。惟此火器。中國之所恃以
勝虜者。亦惟此火器。第恐製備者不多。而習用者不
熟耳。近日合造如法。愈大愈精。神砲先聲。已足懾
瓊衷之膽矣。其必戰必勝之一機乎。然大砲之爲

用也。必因天之時，審敵之情，庶戰勝攻取而可收其功。故良將慎之。

一撫款

款塞之法，豈不善乎？二十年前，宣雲薊遼之間，幾無宿儲內帑，且匱勢誠岌岌，而屠殺之慘，不可勝言。自納款後，生聚甚繁，耕牧遍野，誠中國之利也。奈何恃款忘戰，兢兢於虜之寒盟，若捧玉甌然。虜遂嘗我之病，歲要月挾，貢虜完市者受上賞，以故軍脂日削，虜欲無厭，漸至以兵甲爲閑物，邊備久弛，虜之驕

悍不可復制。款亦因之而失矣。其弊曷嘗在虜哉。倘其初上下合謀決機。確守前人章程。毫不加添。順則撫逆則勦。虜性貪得。安肯舍市賞重利也。今旣決裂矣。惟當言戰。但諸酋因去歲搗巢之慘。心寒膽裂。復求輸款。譚者謂春深虜馬正弱。以款愚我。將來勢必大逞。此特在我用術羈縻何如耳。彼詐款爲緩師之計。我亦借款爲戰守之圖。姑許其款。餌之以利。泰然處之。勿使疑畏。及是時補消亡之士馬。脩散失之器具。練五兵之長技。鼓萬卒之雄心。欲守則有不可攻。

之備。欲戰則有不可測之威。隱然有虎豹在山之勢矣。然後乘時大舉。約各鎮併力圖之。一洗羯狗之腥。三犁陰山之地。是所畫者成。算完策。所收者大捷奇功。法曰。將欲取之。必固與之。又曰。始如處女。難知如陰。此之謂歟。

前件照得款虜。國之利亦國之害也。利在一時。害在永久。今日川海之占據。洮河之搶掠。害可勝言哉。且何時已哉。可鑒矣。夫若欲借以修備。未必非權宜之策。然昔之言款也易。今之言款也難。毋論

九塞之中有款者有不款者卽如一鎮之虜亦有求者有不求者求者許之不求者置之犯則剿之是矣然款虜心不可知跡亦難辨方其犯之也或恐陰助爲黨與其勦之也又思藉口以緩師所云不款者爲勦敵款者爲掣肘不可不慮也夷情叵測事機靡常在司邊計者操縱之有道焉耳

一戰守

今之制禦北虜者有三曰戰曰守曰款而三者之中守爲上戰次之款不足言矣稽自款貢以來人以爲

久安長治、恬不知懼、腹裏墩塘、通不設也、鄉落窄塹、皆不修也、鎮堡材寨、率不備也、遇虜一入、懵然不知、徒受擄掠、去秋之事、可槩見矣、爲今之計、莫若修理、坍塌墩臺、挑挖沙淤、邊牆修補、崖窰堡寨、嚴謹盤詰、關防在我、旣事事有備矣、仍戒密烽火、時勤偵探、豫知其侵犯之謀、卽蚤爲收斂之備、堅壁清野、使虜無所獲、而我不受創、亦計之得者也、法曰、無恃其不來、吾有以待之者、此耶戰之者、非所以邀功也、虜已敗盟、又遭挫衄、其報復之恨、必不可已、我當整器秣馬、

繕甲勵兵、未戰之先、勝勢已豫矣。虜一入犯、則遍約
隣將、飛請鎮兵、相爲犄角之勢、共振天討之威、或埋
伏、或掩襲、或夜焚其帳房、或晝擊其惰歸、或攻於左
或攻於右、或擊其首、或擊其尾、一面挑選驍雄、搗其
巢穴、燒其積聚、使彼進則前却、退則後懾、出無所獲、
入有所創、自遏其梟勢之心、而斂其狼豕之毒、三年
五年、或可晏然無事、此善之善也。然勝敗不可期、死
傷不可免、損失士馬、耗竭糧餉、皆勢之所必有者。若
守則坐得勝算、旣無覆軍殺將之虞、亦無勞帥匱財

之患故曰守爲上戰次之款之利害久近不必言矣
前件照得戰守非有二也守備皆戰具戰勝則守固
矣彼獨右守者豈以戰危事耶守不動而利完耶
豈知威不振於遐荒未有能晏然稱固守者故必
定計於未戰之先而戰勝於計定之後析靜則寂
若蟄龍而潛於九地烽舉則迅若轟霆而動於九
天旣不輕爲而致債亦不畏敵而滋寇則中國之
威常伸而醜虜之氣常懾將跳梁之時少而晏帖
之時多矣乘此挑淤葺頽修守邊也閱蒐教藝練

守卒也。積糧與芻儲守餉也。繕器械藥豫守具也。剗崖挖塹修守險也。茲數者及時而爲之守則堅矣。待時而動焉。戰必勝矣。故善戰者斯利守。善守者毋妄戰。司邊計者兼得之矣。

一偵探

禦虜之道其本在任將領其備在足兵食其具在整器械此數者兵家屢能譚之當今亦惡重之然有是數者每不能乘夷而常爲夷所乘者何凡以虜情未熟地利未諳耳何謂虜情蓋夷狄之寇

制虜之機宜正在于此

中國勢不

能須臾。舉必糾合衆酋。僉謀聚議。以爲搶掠之謀。小
寇則旬日始成。大寇則月餘始集。其形跡未有不先
著者。是在偵探之何如耳。所貴守堡將官。或蓄養逃
夷。以訊其虛實。或善結隣邊熟夷。以探其舉動。或反
間別部酋首。以洩其機括。或誘醉嗜酒窮夷。以觀其
吐露。或陰令通使爪踪。以覘其行止。如果虜謀已合。
其勢將舉。則帳房必移於山後。移一二百里之外者。
其寇淺移五六百里之外者。其寇深如挾帳房入寇
者。此係隣邊窮虜上之無山後之牧地。旣不能移帳。

房於深遠下之畏我軍之搗巢。又不敢留達婦以待。勢必挾帳房以爲搶掠之舉。此固無大志不足深慮者。若不早爲偵探。相機預備。待其將發而始圖之。計亦晚矣。此虜情之貴熟也。何謂地利。蓋夷虜入犯之初。惟謀之數。曾首其部落。未盡知也。當其臨發。必下令以傳。侵掠之所。聲東以掩西。擊之謀。然地利之順逆。其向徃之地。固可覘而知也。何者。夷狄出沒。其飲牧全藉水艸。視其聚結之所。東向果大川水草。則其勢必繇此擊東。彼雖聲言擊西。吾不信也。卽當陽

應乎西。以陰備乎東。西向果大川水州。則其勢必繇
此擊西。彼雖聲言擊東。吾不信也。卽當陽應乎東。以
陰備乎西。且也。觀其衆寡。察其強弱。虜如三五百騎。
則其犯可五六十里。虜如三五千騎。則其犯可一二
百里。虜如三五萬騎。則其犯可五七百里。苟無大衆。
斷不深入。據此徵兵應援。無不中機。苟暗於此。而隨
敵人之虛聲。以爲禦備。則敵得乘我之虛矣。此地利
之貴諳也。信能熟斯二者。當其偵探初得之時。卽率
本堡官兵設伏。以挫其鋒。約各營遊手夾擊。以遏其

勢仍一面先行收歛以避其搶掠。如是則將領不爲虛具。兵食不爲虛設。器械不爲虛具。戰可以勝。守可以固。我可以制敵而不爲敵所制矣。

前件照得偵探兵之要機也。虛實之際遲速之間利害所關安危所係可不慎哉。今之偵探者探方動之聲息耳。且有不實者。尤有不知者可嘆也。夫殆必探之於無事之時。探其地。探其情。素諳熟於胸中。又探之於方事之始。探其形。探其聲。可取應於目前。斯之謂善偵探也。偵探得則機宜中。先爲不

可勝以待敵之可勝者此矣。所謂諳虜情、熟地利、
其誠偵探之良法乎？路將備官，其慎諸。

一川海

莽喇掬工等川，延漫千里，皆沃壤清流，可田可稻。林
木叢茂，鬱鬱蒼蒼，誠西番之樂土，中國之藩籬也。近
被逆虜占據其中，番夷力弗與敵，因而順彼者多矣。
竊以兩川不復，羗虜勢必連和。羗虜連和，則禍不止
洮河已也。臨鞏一帶，將來不知所終矣。如欲恢復兩
川，必先聯束番族，始結以恩信。次申以法令，偵探得

情密報不爽者賞。陽爲彼與，陰爲我圖，善反間者賞。
引道取捷，迅雷疾至，虜不及知者賞。勇敢衝鋒，首突
虜陣者賞。從旁角逐，擊左擊右者賞。糗糧芻蕘多備，
聽支候領價值者賞。受虜利誘，透洩軍情者罪。袖手
旁觀，不爲夾擊者罪。視虜奔潰，陰爲藏匿，不以擒獻
者罪。約束素明，番夷樂附，則吾之令行而虜之勢孤
矣。然後整我六師，大彰天討，三鎮精兵分道並進。一
西繇河州出老雅關，順白石崖至莽喇八禾等川。令
番兵直控其前。一南繇洮岷渡，朶的河取道入莽喇。

川合番兵直扼其後。一中縣打爾加山過八角城。取
道入捫工。以至莽喇桑里合番兵直擣其中。三路合
剿。庶幾一鼓成擒。有奔逸者。勢必潰散。仍開一面之
網。彼得逃竄歸巢。或歸東套。永不西突可也。或奔西
海。永不南渡亦可也。虜酋遠遁。卽議經理善後。歸德
所或設重鎮。各要隘仍加防禦。多方區畫。務期久安
則西番之故地。既復中國之藩籬。益固匈奴之右臂。
永斷河洮之長城。永賴矣。似爲安邊禦夷之上策也。
前件照得此時此舉。似不可已者。且其功在必可成。

者。蓋聯番之心。以復番之地。併番之力。以除番之害。其情甚順。而其機甚易也。且因兵於番。則師不勞。因糧於番。則食不匱。縱耗竭一時。而可以長治久安。亦上策耶。不然。苟且目前。久之番虜合而黨與盛。後之二川。卽今之河套矣。若以禦套虜者。而禦川夷。三秦之力益竭。而不可支矣。視今日汎掃大舉。一勞一費。何如也。或者內固物力。外結番心。且不輕動。因其入犯。則大挫之。隨從而驅逐之。乘破竹之勢。爲掃穴之舉。可也。此在司邊計者熟籌。

而審圖之爾。

一河套

河套。古朔方郡地。詩所謂天子命我城彼朔方。卽此地也。歷秦漢皆郡縣于中。唐張仁愿攝御史大夫代朔方總管于河之北。築三受降城。受降城之外有青山。邈迤東西二千餘里。山之上置斥堠千八百座。突厥不敢踰山牧馬。至宋爲夏所併。及胡元滅。夏立西夏。尚書省以隸之。逮我高皇帝掃除胡元。洪武初舍受降而衛東勝。已失一面之險。其後又撤東勝以

就延綏則以一面之地遮千餘里之衝當是時套無
一虜至正統十四年乘土木之變始渡河南犯勅
都督王禎鎮守延綏禎提輕騎三千晝夜行五百里
卽追出境遂奏築榆林城南作延綏之屏翰北保河
套之沃壤以爲重險耳至成化七年巡撫王公銳奏
立榆林衛八年俞肅敏公代之始遷鎮自綏德云夫
自正統一犯之後歷景泰以至肅敏遷鎮時絕無虜
敵正所謂天未陰雨綢繆彌戶之時也使肅敏果欲
立萬世之業卽復張仁愿之所經畧者掣榆林鎮守

此論最得形勢但恐

謂蓋，既力不能夫
之軍置青山見在墩臺則烽火明矣移榆鎮番挿之

夫築沿河塞垣故址則保障固矣採套中之材木以
擇匠氏則公廨建矣因套中之鹽池以設運司則

國課興矣治地分田以闢四野之土則屯田舉矣立
置設陞以開三面之路則王命傳矣至今百十年爲
內地全陝永無邊患斯久安長治之策也奈何肅敏
智既不及此則守舊勿遷可也顧乃屑屑以就河套
之利置重鎮于沙磧之間譬如棄珠玉于道途豈不
爲人所得河套之利可終保乎哉果至弘治十四年

虜酋火飾入套。佗今吉囊部落不下數萬。延袤千里。
盤據巢穴。已爲田中之禽。門庭之寇。深抱蠶食之憂。
豈但積薪之慮。及覽肅敏奏疏。原議將士耕種於套。
以省民運。今耕種之利既失。軍士有枵腹之嘆。原議
將士牧馬於套。以省內帑。今牧馬之利既失。致軍
士乏芻蕘之憂。是榆林外困於虜。內困於食。皆肅敏
失策之所致也。今欲復之。未嘗不可。惟在當事者酌
時宜而爲之耳。

前件照得河套卽古河南地。周漢唐皆統一而郡縣

之也我朝比隆周室下視漢唐矣復此以修漢唐故事而續成周舊服不亦可乎然復之於汛埽胡元之初則易復之於火篩未入之始則易今欲恢復勢甚難矣且不復河套者固余公之失而經理周密至今稱雄鎮者則余之功也當事者世修肅敏舊業朔方可保無事耶恢復之說則審時度勢萬全而后動一舉而收功可也

一甘涼

甘鎮一線之地四面受敵兵甲不多無險可恃計賊

衆雖不如東虜之盛，而戰守之難，則視諸鎮爲獨最。肅州遠懸天末，深爲可憫。西寧殘破之後，向未修復，糧餉甚匱，給散不敷，兵馬寡弱，防守艱危，桑土之計，不知當何如處也。

前件照得甘肅一鎮五道，皆非本寺巡歷地方，虜情邊計，無繇稽查，但耳聞共爲孤懸絕塞，不無厘當，寧西顧之憂耳。司邊計者，必自有深長慮也。

總論

統而言之，等邊無奇謀，亦無上策，大約共要在務實。

其機在任人、自昔邊防之制、犁然備也、其未臻實效者、亦未修實功耳、茲其務之、邊墻着實修築、宛然金湯之固、糧餉着實儲蓄、充然倉積之盈、兵甲器械着實精練、期百戰百勝之奇勲、營堡要害、着實經理、峻天險、天塹之嚴防、士卒着實教閱、武備常隱于域中、番兵着實鼓舞、威惠常伸于徼外、哨探者着實偵伺、務知彼而知己、常先發以制人、臨敵者着實用命、務殊死以獲生、毋偷生而致死、將領着實併力、無嫉忌觀望之心、文武着實同志、無凌轢輕侮之嫌、如此則

士情將意交孚，兵力軍需俱足，元氣與神氣既並固而並張，天澤與夫威將並宣而並暢，超日奔電之雄，恨不能飲天驕之血而食其肉，祗金浴鐵之夫，忿卽欲犁北之庭而掃其穴，繇是雖洗火真坤，魯等狼吞虎噬之毒，盡驅之山後，故巢而川海風清可也，雖搜莊卜土莽等蟻聚蜂屯之衆，盡拔其套中舊窟，而黃河波靜可也，雖斷絕着宰青喇等東竄西奔之路，賀蘭山永固藩籬，花馬池熙然按堵可也，何有於戰，又何有於守耶？要之有治人，無治法，得其人，則事事皆

實矣。譬如弩之有機，則開闔縱送，無不如意。故曰要在務實。機在任人，所謂人者非他也。不過誠與才合，外與內合而已。毋論文武將吏，但見小利不趨，遇大敵不怯，臨事不邀功，成事不言功，有智不炫，有爲不露，真心任事，惟欲致社稷于久安者，斯務實之人也。外是但有擔當而無粉飾者，皆謂之誠與才合也。且天之賦其外者厚，而造福生靈之具隆焉。斯之謂外與內合也。督撫按臣咸若而人焉，正本清源之道得矣。自是文臣則司道郡邑，武臣則總參遊守，皆若人

焉。任而人者，不論資，不論俸，惟擇其質與才，足以奏績於邊疆。受而任者，各忘家，各忘身，惟悉其心與力，共期有裨於邊計。苟非其人，闕茸無爲者，速去之。貪鄙無厭者，重懲之。才宜於官而不宜於地者，並取而更調之。績著於地而未究其施者，陞秩而久任之。有茂才異等，及捷效奇功者，卽破格而重用之。論遷轉則邊臣特優遇。覃恩則邊臣特與加意委任。多方鼓舞，務俾大小文武臣工，凡任於邊者，材品雖有不同，而同懷憂國奉公偉志，事權雖有不一，而咸抱

匡時報

主其衷如是而邊官不得人邊務不克濟

米之有也雖然任人之中尤有首當重任者督撫是也。得是人而任之。界之以軍國之寄。假之以便宜之權。小挫不罪。小過不問。近讒不惑。遙議不動。惟觀其純白之精忠。惟責其萬全之成效。是之謂善任人也。至若諸按臣者。又所寄以司任人之耳目。而所藉以稽務實之成功者也。任之尤不可不重焉。得此而重任之。則所謂任人者皆可任之人。所謂務實者皆惟實之是務者矣。故曰要在務實。機在務人。豈知機

皇明經世編

王夫之集

通評

手

卷之二

之中又有機乎始焉循其要以審其機既焉握其機而得其要是道也果遵行而不爽仍世守而不失則內順外威稱慶一時可也長治久長永賴萬世亦可也又何邊患之足慮哉

皇明經世文編卷之終

皇明經世文編卷之四百十五

華亭

徐孚遠閣公 宋徵璧尚木

選輯

陳子龍臥子 徐鳳彩聖期

李 懋素心叅閱

呂新吾先生文集

疏

呂 坤

憂危疏

時務

或問新吾先生憂危疏

為以不及建儲事益先

臣聞治亂之兆垂示在天治亂之實召致在人竊見

生千癸巳年巳上計安皇廟一疏上不悅留中

元旦以來天氣昏黃日光黯淡占者以為亂徵當今

此跡故不復及恐後失之

聖意并別事敷奏皆置

天下之勢配象已形而亂機未動天下之人亂心已

終開也

辦而亂人未倡今日之政皆撥亂機而使之動助亂人而使之倡者也陛下知天子之所以尊乎轉天下之億兆生靈而處其上也又知億兆生靈之樂有天子乎賴其休養生息以保我身家也故曰君民一體休戚相關欲衍靈長國脉於萬年惟有固結人心之四字答者二帝三王之爲君豈不以崇高富貴之可恃乃曰四海困窮天祿永終者何知君身之安危社稷之存亡百姓操其權故耳故曰五帝愛民三王

畏民蓋世有幸亂之民四焉。皆取天下之所資而守天下者之所懼也。一曰無聊之民飽煖無由身家俱困安貧守分未必能生。世變兵興或能苟活。因懷思亂之心以緩須臾之歿。二曰無行之民氣高性悍玩法輕生或結黨而占窩開場或呼群而鬪鷄走狗居常愛玉帛子女爲法所拘有變則劫掠姦淫惟欲是遂。三曰邪說之民白蓮結社黑夜相期教主傳頭名下成千成萬越鄉隔省密中獨往獨來情若室家義同生歿倘有招呼之首此其歸附之人四曰不軌之

民懷爭帝國王之心。爲乘機起釁之計。或觀天變而煽惑人心。或因民愁而收結衆志。惟幸目前有變。不樂天下太平。此四民者。何代無之。聖王約已愛民。損上益下。則無聊者歸恩。無行者守法。邪說者無所售其姦。不軌者不得行其智。四民皆我赤子。一失其心而墮其計。四民皆我寇讐。昔者胡元疆土大於我朝。未亂之先。天下全盛。我太祖以布衣單身提三尺劍唾手而得之者。何。四民之心胡元失之。而太祖收之也。今日之人心。臣何敢言。惟望陛下擇其無

益於國家、有益于天下者、收之而已、請言收人心之
大者、數事可乎、洮蘭之間、氣寒土薄、小民無計爲生
則織絨貨販以糊口、自傳造以來、數多限迫、官府散
派民間、急於星火、百姓苦於催逼、遂棄農桑、捻線者
數十萬戶、工作者聚數萬人、提花染色、日夜無休、千
手經年不成十疋、且是物也、曬晾不早、則白蛭即生
風日太頻、則紅色易落、多積耽心、久積無益、至於山
西之紬、蘇杭之紗、羅段絹、歲額已自克盈、加造豈因
缺乏、臣以爲與其積於無用、孰若定以有常、假如四

季袍服歲用千疋。則見造一年。預造一年。是宮中省收藏之累。歲歲見新。天下無多取之憂。人人樂辦。且花樣欲新。則隨時改造。此處增數。則彼處減機。那借工銀。將餘補乏。此無損於陛下。而有益於蒼生。何憚而不爲。至於饒州磁器。西域回青。總是有餘不急之物。徒累敲骨捶髓之民望。陛下一切停罷。而江南陝西之人心收。內府官庭自須大木。而採木之苦。陛下聞之乎。臣自一木言之。丈八之圓。非百年之物。或孤生萬仞崖邊。或叢長千重嶺外。寒暑渴饑。瘟疫

瘴癘而死者無論矣。乃一木初臥，千夫難移，每日一祭神明，每行不過數步，倘遭艱險之處，跌傷壓斃，常

百十人。蜀民語曰：入山一千，出山五百。若可知矣。至

於磕撞之處，

民間所苦在于官物退回且收用不在

豈無傷痕，而官責民罰，謂不合式，依然

無用，重去伐山。

于合式退回不合式勒索常例官吏皆飽

每木一根，官價雖云千兩，比來都下

民費不止萬金。

共欲而民費無筭矣此不止保木一事

臣見川貴湖廣之民，談及採木，莫不

哽咽。且木能生火，積久易焚。前年山西廠之災是已。

今大工木料既已報完，採辦新林，止需後用，倘少其

數目，多其歲月，減其尺寸，增其價值，而川貴湖廣之

人心收。山澤之藏。本非山澤棄物。但天下之寶。當與天下共之。礦也者。藏天下大害於大利之中者也。故

軍國告匱。則一開。

饑饉告急。則一開。如嘉靖年間。開

湖南礦。但勅該省撫按。

誰敢侵利殃民。南陽等府。數

歲饑荒。今日之民。即前歲子食父肉。人喫鷹糞。陛

下發銀賑濟之民也。自報殷實戶。而民半驚逃。自一

切在官供應。礦夫工食。官兵口糧。倚辦於殷實戶。而

民多累次。鄖陽巡撫馬鳴鸞。前與臣書。謂六十餘頃

之地。常聚十萬之衆。文家洞近二千人。開之三月。止

見砂十六眼。銀之有無費之多寡可槩知矣。伏乞勅下各省使臣嚴禁散砂，不許借解，但有侵奪小民，捏害地方者，必誅無赦。而各省之人心收，官店租銀理宜收解。自趙承勲有四千之說，而皇店開，自朝廷有內臣之遣而事權重，夫市井之地，貧民求升合以活身家者也。陛下以萬乘之尊，何賴彼錐末之微財，棄此崇高之大體乎？且馮保入店爲屋幾何，而歲有四千金之房課乎？解進之數既有四千，徵收之銀豈止數倍不奪市民將安取足乎？縱使內臣廉靜不擾

市民而長隨之下。各有長隨掛搭之中。又有掛搭強吞橫噬。獨占群侵。內臣何由知冤。民何處訴。夫楊村張灣。南通省直。北接都城。天下咽喉之地也。陛下鎖此咽喉。不及一年。商賈不至。緩急有用。將安取給。臣望陛下將兩店內臣。仍取回京。原坐租銀責令所在有司照數解進。此一舉也。而畿甸之人心收。刑法者。所以平天下之情。服罪人之心者也。應輕應重。太祖既定爲律。情重罪輕。列聖又增爲例。如輕重。可以就喜怒之情。則律例不得爲一定之法。臣待

罪刑部三年矣，每見

法官不守律例而伺上意詔獄一下，持平者多拂

上意

此杜開張湯之故智至今用之

甚則加重而降司官，從重者皆當

聖心，故司官每

遷就以逃譴怒，如近日李吉等，本非把持也，而必欲

擬軍，張澤等預納局料也，而必欲追銀，此皆真屈真

枉，臣等不敢執奏，而

陛下安知其冤，臣願

陛下

俯從司寇之平，勉就

祖宗之法，而囹圄之人心收

自古聖明之君，豈樂誹謗之語，然而下求言之詔，賞

直諫之臣者，知天下存亡，係言路通塞，言官者，朝

廷之耳目也，不可以不重也，比年以來，新進小生，好

矜名節遂激陛下之怒波及臺省之臣驅逐既多
選補皆罷臣以爲天閭邃窻法座崇嚴若不廣達四
聰何由明見萬里陛下所聞皆衆人之所敢言者
也其不敢言者陛下不得聞矣臣望陛下思

祖宗廣置言官之意爲國家不爲言官檢建言得罪

當神祖時建言廢

之逐臣分別召用應復除者即與復除應行取者早

案諸臣終已不收

爲行取以後如有心行不端建白無當者勅下吏部
分別降黜此亦足示懲矣何至禁錮於既往杜絕于
將來快潜伏之姦養壅蔽之禍哉至於天下多故全

賴官吏彈壓。吏部用人。本爲計安社稷。此其關係國

此時已有缺官不補

家最急最重。果吏部非人。則聽科道糾彈。卽爲罷斥。

之事至下末年則大小臣僚往往空署矣

果吏部得人。則聽其推陞選取。早賜施行。庶練兵督

餉者。無廢缺之事。候銓待補者。無典賣之憂。而士大

夫之心收。我朝敵國外患。惟南倭北虜稱雄。倭居大

海之中。豈能航糗糒。豕突中原。又豈能自浙閩蠶食

上國哉。惟是朝鮮附在東陲。近吾左掖。平壤西隣。鴨

綠。晉州直對登萊。倘倭奴取而有之。藉朝鮮之衆爲

兵。就朝鮮之地爲食。生聚訓練。窺伺天朝。進則斷漕

運據通倉而絕我餉道。退則營全慶守平壤而窺我遼東。不及一年。京師坐困。此國家之大憂也。夫我合朝鮮。是爲兩我。兩我尚懷勝負之憂。倭取朝鮮。是爲兩倭。兩倭益費支持之力。臣以爲朝鮮一失。其勢必爭。與其爭於旣亡之後。孰若救于未破之前。與其以單力而敵兩倭。孰若併兩力而敵一倭乎。乃朝鮮請兵而二三其說。許兵而延緩其期。或言爲屬國遠戍。或言兵餉難圖。諺曰。小費偏惜。大費無益。今朝鮮危在旦夕矣。而我計必須歲月。願陛下早決大計。併

力東征而屬國之人心收解京錢糧一物十費措辦
既苦轉運尤難若于實用有裨則積貯何嫌過侈今
十庫貨財各厥物料麤惡不堪者固有朽腐無用者
更多上納歲歲堆積陳陳可惜倘每年一次查盤每
夏三番曬晾不堪者嚴濫收之刑朽蠹者重典守之
罪變惡爲美出陳易新但此言實經濟要策一年可備三年之資則本
色暫改折色之解既不匱乏國用亦不暴殄民財

陛下一留神則歲省不下百萬而解納之人心收京
師者朝廷腹心之地也祖宗時常徙富戶以實京

師以富民者。貧民依以爲命者也。今京師貧民。不減
百萬。九門一閉。則煤米不通。一日無煤米。則煙火即
絕。如有庾戍之事。京師戒嚴。雖有倉場。止足官軍守
此。非。但。京。師。即。郡。邑。皆。然。緩。急。城。守。賴。富。民。也。
禦之用。城中富戶。正備緩急。勸借之資。今商人有預
納之稱貸。有鋪墊之常規。一報在官。百年不替。而上
富貧。自暴民聚衆凌奪。姦民設機騙詐。遊食者坐耗
民財。淫巧者誘奢民俗。而中富貧。自各衙門印結之
雜。捕送之輕。吏書貪如餓豺。兵番狠如翼虎。無批票
而稱勾攝。本良弱而誣姦盜。而下富貧。自房號重於

優免之濫。科派苦於名色之多。一身衆役。一事衆害。而貧者愈貧。自抄沒法重。株連數多。坐以轉寄。則並籍家貲。誣以多贓。則互攀親識。宅一封而鷄犬豕羊大半饑斃。人一出而親戚骨肉不敢收留。加以官吏法嚴。兵番搜苦。臣曾見之。掩目酸鼻。此豈正犯之家。重罪之人哉。一字相牽。百口難解。陛下知之。當必憐之矣。伏望省不急之上納。禁監收之鋪墊。嚴騙奪之刑。重需索之罪。清差役之繁。定優免之則。慎抄沒之舉。而都下之人心收。祖宗以來。有一日三朝者。

有三日一朝。有一日一朝者。蓋一人勵精則萬事嚴肅。雖朝門宴閉早開。誰敢興邪起妄。陛下不視朝久矣。人心之懈弛極矣。姦邪之窺伺熟矣。守衛官軍。虛應故事耳。乃宮鑰仍舊早發。諸人仍舊早進。今乾清修造。逼近御前。軍夫往來。誰識面貌。萬一不測。何以應之。臣望發宮鑰於平明。放軍夫于日出。自非軍國緊急。慎無昏夜傳宣。陛下豈不曰。世宗晚年不視朝。亦無外患乎。顧今日之人心。非當日之人心。唯陛下慎之。章奏不批。先朝間有。未如今日。

強半留中蓋疏之照入也。會極有簿疏之進奏也。外
廷不聞萬一有國家大事邀截實封揚言於外曰留
中矣。外人知之乎。萬一有詐傳詔旨匿不封還揚
言於外曰進繳矣。陛下知之乎。今陛下精明中
官謹畏必無此事。臣恐聖子神孫守爲家法倘不
逞爲姦則何變不起。臣望自今以後留中革奏每月
御前發未覽揭帖一紙內開某人某人未及批下會
極門轉發各衙門備照其繳還御札原本乞批知道
了。三字發該科備照。庶君臣雖不面談而上下猶無

欺蔽所關重大不可不防。臣觀陛下筭日步禱郊壇發銀賑濟非忘民者。朝無一事之壅。疏無四日之下。非怠政者。乃今章奏半停。民愁罔恤。當此春秋鼎盛之年。豈無夙夜憂勤之事。患不富耳。自古帝王之求富者亦多矣。史冊所載。開卷可知。陛下試觀其時。治乎亂乎。其君安乎危乎。夫天下之財止有此數。君欲富則天下必貧。天下貧則君豈獨富。故曰同民之欲者。民共樂之。專民之欲者。民共奪之。天下民窮財盡。未有甚於此時者矣。臣一點血誠。籲天叩地。齋

宿七日、抽思萬端、難裁迫切之衷、敬上憂危之疏、

陛下倘信臣、將臣所已言者、慨賜施行、所未言者、再加修舉、移宮中之勤、以勤庶政、推利國之念、以利蒸民、將人心懽悅、天意轉回、臣所言天下大計、臣具疏未敢告人、望陛下密行、臣言若出聖意、久留臣疏、以驗將來、臣日夜祈天、惟願臣言不驗、使臣言而驗、三至夜分、發司禮監陛下雖悔、將何及耶、

宗藩要疏

宗藩

爲摘舉宗藩二要以重天潢事、臣聞帝王同民心

而出治道、凡四海九州之情、無所不體、而尤當體宗室之情、帝王興教化以善風俗、凡四海九州之教、無所不及、而尤當重宗室之教、乃今積習流弊、勢極則窮、有不得不變者二事焉、臣請分款詳陳、伏乞勅下該部查訪施行、

一曰嚴騙嚇之禁、夫宗室偽濫、全在報生之時、或花妄爲嫡生、或以女而易子、或以殤而冒存、買囑收娖、要結隣佑、往實有之、自五宗嚴同保之結、而朦朧有連坐之法、報生來歷、大都已真生既真矣、豈有兒真

其言直按是足省諸名

而請名僞者乎○有○封○件○件○甘○結○查○勘○之○費○。豈有名真而請封僞者乎。自奉宗藩要例之後。名封查駁。久已從寬。而臣又立限單填格之法。凡經查駁衙門。過三日者提吏。即臣衙門。亦有需索常例。臣嚴行禁約。犯者重懲。在外刁難諸弊。亦稍稍革矣。惟是走京遊棍。指稱打點名色。要素宗室錢財。甚者定爲銀數。沿爲舊規。如郡王請名請封。動以千計。三將軍以五百計。三中尉以三百計。夫宗室本不出戶庭之人。而遊棍者積年鬼蜮之雄也。財貨誑收。未必爲人出力。騙嚇不遂。却能倚法爲奸。幾會

見京師某衙門聽囑某吏胥受財耶。憑誰說耳。寧化王新薨臣往吊奠王六子長者二十歲矣尚未有名向臣仰天痛哭曰請名十五年費銀千餘兩部文未到猶然乳名時在次各府宗室百十餘人皆稱本王有子六人五爲李妃所出闔鎮軍民無不共知止以寫辦之人差錯入府月日又遊棍恐嚇稱說立案不行以此耽延歲月六子俱未得名嗟夫父爲王母爲妃其子請名十五年不得臣竊痛之此等奸徒外指王府科以騙宗人內空囑吏胥以撞太歲有題准止

一人而勘合私添三兩人者。宗室謂得名矣。及至請封。則曰堂稿無名。有同胞之兄已給誥命矣。其弟請封。則曰毋封。不對。經管教授既非明白之官。造冊書供。卒多苟且之役。宗室名字又皆難辯之文。愚宗不識事體。貧宗又無錢財。衙門猾胥。往往舞文詐錯。致使查駁弊孔多端。本難悉舉。行查之例。豈可不嚴。臣以爲一切名封。旣經親王與臣衙門會題矣。如有假濫罪坐。親王與臣春季行查。夏季尚不咨覆。罪坐亦臣。若春季無礙。宗室若干位應得名封。而夏季勘合

不到。夏季行查咨部若干位。應得題覆。而秋季勘合不到者。許臣每季咨催。應請各封宗室。但有仍憑遊棍。指稱打點。誑錢到京。自行花費。誣騙吏書者。許五城嚴拏除。本犯依律究遣外。本宗既已託人行賄。必有違礙情由。不准名封。題請立案。仍乞勅下禮部定一格眼照單。發臣衙門。分發各府。凡宗室初生。即於第一格填云。某郡王某妃某妾於某年某月某日生第一子。收婆某人。隣佑某人。五宗某人名押。長史印押。第二格本府查無違礙。知府印押。第三格布政司

查無違礙。左布政使印押。第四格都察院查無違礙。臣印押。仍出各保結。然後具題。至於請名請封選婚。不須保結。將照單以次填寫。印押如前。釘爲一冊。即隨本揭咨送禮部查明。題覆之後。所有照單。即同勘合發臣衙門。除勘合發布政司外。其照單付郡王。或管理府事收掌。但有損失改洗者。叅奏處分。如此。則稽查既嚴。可革假濫之弊。題覆既早。難容騙索之奸矣。

二曰重輔導之臣。臣聞漸摩之久。習與性成。世祿之

皇明經世編

呂新吾集

宗藩

古

平露堂

卷之一

家鮮克由禮。今民間子弟齟齬童蒙。未嘗不擇良師。而况帝王之苗裔。貴倨之氣習。苟無禮義以養其心。又難束縛以麗於法。肆無所忌。民何以堪。夫董賈漢世名儒。皆爲王相。我朝家法。遠過漢時。而輔導之選。甚爲踈濶。何者。親王長史。主一藩之外政者也。王之善惡。付託此官。諸郡王。三將軍中尉。二主二君之名。封婚祿。憑結此官。審理掌一藩之刑名者也。六所軍民詞訟。聽決於此官。教授以訓迪。王與一府之名。封取定於此官。其責任不爲輕矣。乃以有司之不肖。

者爲王官。而能以善道教王者乎。臣昨考察王官。僅有長史李賦直。年力正強。慷慨曉大義。其餘苟且恣睢。甘心自棄之念。甚於爲有司。時而偃蹇龍鍾。率居其半。相沿推陞王官。號爲劣處。每用操持有玷。才幹無爲之人。以克是任。不知起自何年。至今遂爲定例。臣從來竊所不平。而目覩尤爲慨歎。或曰。選司不主降黜。不肖者何以處之。臣竊謂即使若曹。萬無所付。亦不以王府爲溝塹。况撫按論劾方面有司。疏下考功。未嘗不隨時降黜。即文選不降黜。而考功不能降

黜乎撫按於州縣佐領教官未嘗不隨時拿問罷斥不待叅劾豈以吏部之權而不能處若曹乎。劣考到部文選抄付考功案呈具題才幹無爲者量行降調操持有玷者即與除名至於褫職卑官無可降調留之無所用去之不足恤者量與致仕庶懲創嚴而居官知慎不肖去而仕路亦清吏部可省大察疏摺之多而本官亦免到任即黜之苦矣或曰王可無官乎王官可以賢者處乎臣竊謂之不肖處以王官王官不陞有司此二者曾有題請事例乎夫王官比王親

孰親孰疎。長史審理教授。比布政使孰大孰小。今王親夫人郡君以下。不禁京官。郡君夫人以上。仕終布政。近者董樾徐聯芳。供職潞府。亦陞兩司。何獨長史等官。禁錮終身。不陞有司乎。此法若行。以無用之人。爲有用之人。以無用之官。爲有用之官矣。且教官缺少人多。每憂壅滯。若將天下王府長史審理紀善等官。以年力精

壯。學行俱優。而才不堪繁劇者。陞之。果於藩封。大有建白。仍從撫按保舉。不妨推陞府州縣正官。如果漸著賢能。一體推陞方面。教授品官。難以新除。亦選年力精壯。學行俱優者。陞之。果於宗室輔導約束。顯有

成效亦從撫按保舉。推陞有司正官。以上各官俱與有司一例考察。薦獎戒劾至於王府宗室各有多寡。如河中王府世世一人並無宗室。教授雖設無所事事。慶成王府宗室二千餘位。教授常例歲得十金。繁簡不同。似難舉選。今後除授王官。先將各府宗室多寡。管理易難。行布政司造冊報部。斟酌年力才幹。分別選陞。如此則王官既重。而宗教自嚴。仕禁既開。而人心日奮矣。

停止砂鍋潞紬疏

砂鍋潞紬

臣聞慎乃儉德者、英君誼辟之芳名、監於成憲者、聖
子神孫之大孝、自二祖創業垂統以來、經制立法、
纖悉具備、宮闈用度、歲額常豐、其在當時、織造燒造、
各有地方、歲解歲停、各有正件、載在會典、可考而知、
已查得陶器燒造地方、止有儀真、瓜洲、河南、真定、江
西、五處、其器物止有甁、罈、瓷、甕等件、並無所謂山西
砂器者、卷查嘉靖三十九年、坐派潞安府砂器五千
個、四十年、坐派一萬五千個、萬曆十八年、坐派一萬
五千箇、夫砂器一萬五千、並備餘共一萬九千五百

個價值纔一百一十餘兩耳。始也荆筐擔運，用夫二百餘名，其費銀五百三兩一錢。至嘉靖四十年，部文用紅櫃裝封，銅鎖鑰，黃繩扛，費銀二百餘兩，用夫一千三百名，費銀一千八百餘兩。打點使用，費銀二百五十餘兩，共用銀二千三百六十七兩九錢。至萬曆十八年，部文用淨綿塞墊，潞安不出綿花，旋於河南差買，費銀近二百兩。打點使用三百五十餘兩，共用銀二千八百三十三兩六錢。夫至賤者砂器也，而運載諸費，至費銀二十八倍。不知此等器物，近京地方

亦能燒造否。如謂土料不堪。不知京師百萬官民。亦用砂器否。皇上之所用者砂器耳。砂器但收其不
破損者耳。何取於紅箱銅鎖淨綿。致使無益之費。勞
民傷財。况砂器不載於經額。山西不派之燒造。苟便
於近取而可足。似不必遠辦以病民。又查得織造地
方。有浙江等九省。織造物料。有紗羅絹紵。而山西歲
派。止有綾絹各五百疋。閏月共加八十六疋耳。並無
所謂山西潞紵者。卷查萬曆三年。坐派山西黃紵二
千八百四十疋。用銀一萬九千三百三十四兩十年

坐派黃紬四千七百三十疋，用銀二萬四千六百七十餘兩。十五年坐派黃紬二千四百三十疋，用銀一萬二千餘兩。十八年坐派黃紬五千疋，用銀二萬八千六十兩。夫潞州之有紬也，非一年矣。祖宗時未嘗坐派。陛下即位以來，坐派四次，計工費銀八萬三千有奇矣。是紬也，士庶皆得爲衣，而皇上不以進御。臣心亦有所不安者。獨謂上用內用，未必如此之多。而匪頒特頒，自有經常之物。且山西銀糧，非王祿則軍餉。王祿如靈丘等王，有缺五十季不支者。

宗儀眊眊、與枵腹之嗟、軍餉有每月四錢、尚扣五分者、士卒嗷嗷、動瞋目之怒、加以連年饑饉、庫藏空虛、臣於去年紬價、已經殫力湊處、僅克此番織造矣、伏乞勅下該部從長議處、砂噐在在可燒、應否取辦於二千里、隔山踰嶺之外、即萬不可已、但求砂噐全美、又何必鎖釘紅箱、淨綿塞墊、困擾生民、黃紬雖非歲織、但山西困憊已極、倘再行坐派、或改江南別項織造之價、或工部另議別項錢糧、發給潞安、無使貧省難於取辦、小民困於誅求、地方幸甚、